

городѣ, стоят [мужи]<sup>33</sup> новгородцы у святой Софѣи аркучи: Уже нам, братие, на пособе великому князю Дмитрию Ивановичу не поспѣть.

<sup>34</sup> Уже бо яко орлы слѣтѣшася [со всея полунощныя страны. То ти не орлы слѣтошася],<sup>35</sup> съѣхалися вси князи руския к великому князю Дмитрию Ивановичу и брату его князю Владимиру Ондрѣевичу аркучи им таково слово:<sup>36</sup> [Господине князь великыи, уже погании татарове на поля на наши наступають, а вотчину нашу у нас отнимають, стоятъ межю Дономъ и Днѣпромъ, на рицѣ на Мечѣ. И мы, господине, (л. 217) поидемъ за быструю рѣку Донъ, укупимъ землямъ диво, старымъ повѣсть, а младымъ память],<sup>36</sup> а храбрых [своих]<sup>37</sup> испытаем<sup>38</sup> за землю рускую и за вѣру крестьянскую.

И рече имъ князь великыи Дмитрий Иванович: Братья и князи руския, гнѣздо есмя великого князя Владимира киевскаго. Ни в обиди есмя были [по роженію<sup>39</sup> ни соколу],<sup>40</sup> ни кречету, ни черному ворону, ни поганому Мамаю.

○ соловей, лѣтняя птица, что бы ты, соловей, выщекотал<sup>41</sup> [земли Литовской]<sup>42</sup> дву братьев Олгердовичев, Ондреи да брат его Дмитрей Олгердовичев, да Дмитрей Волынскыи. Тѣ бо суть сынове храбрии, кречати в ратномъ времени, ведоми полководцы,<sup>43</sup> под трубами [повити]<sup>44</sup> и под шелома возлеліяны, [конецъ копія вскормлени]<sup>45</sup> в Литовской земли.

И молвяше Ондрѣи Олгердович брату своему Дмитрию:  
(л. 217 об.) [Сама есма]<sup>46</sup> себѣ два брата [сынове Олгордовы],<sup>47</sup> а внуки есмя Едимантовы, [а правнуки есми Сколомендовы].<sup>48</sup> Изберем

<sup>33</sup> Так К-Б, У, С; здесь люди <sup>34</sup> Так К-Б; здесь, У, С этот эпизод связан фразой и как слово изговаривая — с рассказом о выезде из Новгорода 70 000 войска на помощь великому князю <sup>35</sup> Так К-Б; здесь, У, С сообщение о выезде новгородцев <sup>36—36</sup> Так К-Б; здесь, У, С эта речь разбита на две части и вторая ее часть приписана великому князю; К-Б описка — Чечѣ, исправляю согласно И 1, У <sup>37</sup> Так У; здесь плечевъ <sup>38</sup> Так К-Б, С; здесь, У доб. а рѣку Дон кровю пролем <sup>39</sup> Доб. У <sup>40</sup> Доб. К-Б <sup>41</sup> Так К-Б, С; здесь доб. великому князю Дмитрию Ивановичу из земли той всеи и; У доб. славу великому князю Дмитрию Ивановичу и брату его князю Владимиру Ондреевичу <sup>42</sup> Доб. У <sup>43</sup> Здесь полководцы; У полководцы. <sup>44</sup> Здесь, У проп.; К-Б поютъ; С нечистих; исправлено согласно Слову о полку Игореве <sup>45</sup> Доб. К-Б; С испорчено: кочаны коней воскормлени; здесь, У проп.: К-Б доб.: на щитѣ рожены... с востраго меча поены; С доб. с коленных стрел воспоены. <sup>46</sup> Так К-Б; здесь, У, С сами есми <sup>47</sup> Доб. К-Б, У, С <sup>48</sup> Доб. К-Б, У

Не буря соколы занесе чрез поля... комони ржуть за Сулою, звенить слава въ Киевѣ. Трубы трубятъ въ Новѣградѣ, стоятъ стязи въ Путивлѣ... у Дону великаго... аркучи... княже ми непособие... не худа гнѣзда... Ольгово хороброе гнѣздо, не было оно обидѣ порождено ни соколу, ни кречету, ни тебе, чрѣными воронъ, поганцыи половчине... О Бояне, соловию... абы ты сиа плькы ущекотал... свивая славы... свѣдомыи кѣмета: под трубами повити, подъ шелома възлѣлѣяни, конецъ копія въскрмлени...